


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-81	At-Takwir	29	1	Makkiyyah	Ke-7	5



Zaman Diturunkan

1. 14 Ayat di permulaan Surah at-Takwir diturunkan kepada Rasulullah s.a.w. pada peringkat pertama kehidupan Baginda di Mekah di antara tahun 1 hingga 3 Kenabian. Ketika itu da'wah hanya berjalan secara sulit dan senyap-senyap.
2. 15 Ayat terakhir di dalam surah ini diturunkan setelah da'wah secara terbuka dilancarkan, ketika mana tuduhan-tuduhan seperti مَجْنُون kepada Rasulullah dilemparkan.

Kelebihan Surah At-Takwir

1. Surah ini seperti Surah Hud, termasuk dalam beberapa surah yang telah membuatkan Rasulullah s.a.w. beruban. Rasulullah s.a.w. bersabda: {إِذَا الشَّمْسُ كُوِّرَتْ} و {عَمَّ يَتَسَاءَلُونَ} (Surah an-Naba') dan إِذَا الشَّمْسُ كُوِّرَتْ (Surah at-Takwir) telah membuatkan aku beruban (menjadi tua) – Jami' At-Tirmizi, Kitab Tafsir, Bab Surah al-Waqi'ah, Hadits ٣٢٩٧. Ia adalah satu hadits sahih.
2. Rasulullah s.a.w. bersabda وَإِذَا السَّمَاءُ انْفَطَرَتْ وَإِذَا السَّمَاءُ انشَقَّتْ. Bermaksud: "Sesiapa yang hendak melihat hari kiamat seolah-olahnya dengan mata kepalanya dia hendaklah membaca إِذَا السَّمَاءُ انْفَطَرَتْ, إِذَا السَّمَاءُ انشَقَّتْ". Hadits riwayat Tirmizi, Kitab Tafsir, Bab Surah at-Takwir, hadits 3,333, ini adalah hadits shahih.

Perkaitan Surah At-Takwir Dengan Surah Sebelum Dan Selepasnya

Di dalam Surah 'Abasa sebelum ini telah pun dinyatakan bahawa al-Qur'an adalah sebuah nasihat yang tercatat dalam suhuf-suhuf yang mulia, dibawa oleh para malaikat yang mulia dan baik. Di dalam Surah at-Takwir ini pula dinyatakan bahawa ia adalah kata-kata Rasul yang mulia iaitu Jibril yang merupakan ketua para malaikat, Qur'an bukan percakapan orang-orang gila bahkan ia adalah kalam tuhan pencipta alam yang Maha Tinggi dan Agung dan ia diturunkan sebagai peringatan dan nasihat untuk sekalian alam.

Beberapa Kata Kunci Dan Tema Utama Surah

1. Al-Qur'an adalah nasihat dan peringatan untuk sekalian alam ذِكْرٌ لِلْعَالَمِينَ (Ayat: 27), al-Qur'an adalah ucapan Jibril قَوْلٍ رَسُولٍ كَرِيمٍ (Ayat: 19), al-Qur'an bukan kata-kata syaitan yang kena rejam وَمَا هُوَ بِقَوْلٍ (Ayat: 22), ia bukan kata-kata orang gila وَمَا صَاحِبُكُمْ بِمَجْنُونٍ (Ayat: 25),
2. Surah ini menyeru setiap manusia supaya berfikir dan merenung apakah yang diusahakannya untuk hari kiamat dan apakah yang telah dihantarkannya dahulu ke hadapan Allah. Manusia hendaklah berfikir tentang apakah yang disediakan untuk dirinya di hari akhirat مَا أُخْصِرْتُ (Ayat: 14).